

Forfatter: Arrebo, Anders

Titel: Udrag fra Breve

Citation: Arrebo, Anders: "Hexaëmeron. Lejlighedsdigte. Breve. Udg. af Vagn Lundgaard Simonsen. 1965", i Arrebo, Anders: *Hexaëmeron. Lejlighedsdigte. Breve. Udg. af Vagn Lundgaard Simonsen. 1965*, udg. af VAGN LUNDGAARD SIMONSEN ; Jørgen Glahder , Munksgaard, 1965-83., s. 327. Onlineudgave fra Arkiv for Dansk Litteratur: <https://tekster.kb.dk/catalog/adl-texts-arrebo01val-shoot-idm140030262008288/facsimile.pdf> (tilgået 26. april 2024)

Anvendt udgave: Hexaëmeron. Lejlighedsdigte. Breve. Udg. af Vagn Lundgaard Simonsen. 1965

8.

Til rektor Axel Hansen i Nakskov.

Ἐν δακρυῶν

Expendens sollicite mecum, Humanissime Dne Accili, amice dilecte, quam præstans opus divinus ille pietatis et Christianæ vitæ director Syracides Parentem confecisse moneat, qui filiam marito prudenti nuptum elocaverit; non potui non Reverendo et bene docto viro Dno Petro Andrea Bredallino, Pastori Ecclēsiæ Kettinganæ in Lollandia, dilectam meam filiam Margaretam pie ambienti, consultis tamen prius cum Pronubo coelesti, quos licuit, amicis, in thalami fortunæque consortem despondere. Nuptiarum autem solennitatē, ritu patrio, divina adminiculante triade, hic Oringburgi celebrandæ, Dominicam a trinitate 21. in eandem hujus mensis diem hoc anno currente incidentem, diximus; quo tempore selectam amicorum coronulam heic comparituram certissimi confidimus. Cui te tuus animi candor, nobis non uno benevolentia documento perspectus, adscribit; facitque ut impensius rogemus, velis haud gravatus pridie constituti temporis nobis adesse, novas faces nuptiales Jehovæ triuni precibus devotis commendaturus, atque demum geniali sociaque lætitia te nobiscum affabiliter oblectaturus; Nullus addubitans te summo Paranymphe rem gratissimam hoc pacto præstaturum, et utrinque nobis beneficium haud vulgare, quo nos ita vicissim in tui amorem pellexeris, ut ad parilia vel alia quævis mutua officia semper invenias paratissimos. His vive et vale, divinæ protectioni a nobis magnopere commendatus. Oringburgi Kalendis Octobris Anno Verbi incarnati 1632.

Tuus

Andr. Christ. Arøensis

Mpp.

Udskrift:

Religiosa pietate, Eruditione insigni præcellenti viro, Dn. Accilio Johannis, Scholæ Naxschoviauz Lollandorum Rectori laborioso, amico suo singulari officiose colendo.